



Is cuid de shraith doiciméad é an dréachtchreat seo le haghaidh planáil fhadtréimhseach chun tacú le Curaclam nua Teanga na Bunscoile. Is dréachtaí iad na creataí planála seo le deis a thabhairt do mhúinteoirí aiseolas a thabhairt. Bainfear leas as an aiseolas sin agus uirlis phleanála á cruthú, uirlis a thacóidh leis an stíl phleanála is fearr leis an múinteoir. Bailítear aiseolas ar an nasc suirbhé [anseo](#). Ná bíodh leisce ort na teimpléid a chur in oiriúint de réir na planála is fearr leat agus de réir chomhthéacs do ranga féin.

Sa dréachtchreat seo le haghaidh planáil fhadtréimhseach tá dhá roinn: Foghlaim Thuartha agus Tacú leis an bhFoghlaim. Tugtar tacaíocht don phróiseas planála sna treoirlínte seo a leanas. B'fhéidir go roghnófa an fhoghlaim a léiriú tríd an tsraith thíos a leanúint nó do dhóigh féin a chruthú chun sin a thaifeadh.

**Foghlaim Thuartha:** Chun an fhoghlaim a shainathint, féadann tú doiciméad Churaclam Teanga na Bunscoile a úsáid agus/nó dul isteach sa churaclam ag [www.curriculumonline.ie](http://www.curriculumonline.ie)

**1. Torthaí foghlama:** Ar mhaithe le héascaíocht, tá na torthaí foghlama uile do chéim(eanna)/rang(anna) atá roghnaithe curtha isteach sa roinn seo cheana féin. Ná bíodh leisce ort iad a leasú de réir mar a mheasann tú a bheith oiriúnach do do stíl féin, don chomhthéacs nó do thréimhse an phlean. Is bealach éifeachtach í an Foghlaim Chomhtháite Ábhair agus Teanga (FCÁT) le teagmháil na bpáistí leis an nGaeilge a mhéadú. Roghnaítear ábhar a bheadh oiriúnach don FCÁT agus tugtar deis do dhaltaí coincheapa, meonta agus scileanna i réimse ar leith den churaclam a fhoghlaim trí Ghaeilge (Curaclam Teanga na Bunscoile, lch. 43)

☞ *Coinnigh súil amach don tsiombail fáiscín páipéir seo taobh le roinnt torthaí foghlama sa Churaclam Teanga. Léiríonn an tsiombail seo go bhfuil na scileanna a chlúdaítear sa toradh foghlama seo inaistrithe chuig toradh foghlama i dteanga eile na scoile.*

**2. Gnéithe:** Ar mhaithe le héascaíocht tá sonraí curtha sa roinn seo cheana. Tá trí ghné de theanga ann agus úsáidtear na giorrúcháin seo lena n-aghaidh: Cumarsáid, Tuiscint agus Fiosrú agus Úsáid. Tá na gnéithe céanna seo le fáil sa teanga ó bhéal, sa léitheoireacht agus sa scríbhneoireacht.

**3. Mórchéimeanna Dul chun Cinn:** Tá an roinn seo roghnach. B'fhéidir go mbeadh sé ina chuidiú agat a aithint cá bhfuil páistí ina gcuid foghlama agus an áit a mheasann tú a mbeidh na páistí faoi dheireadh an phlean fhadtréimhsigh. Dóibh siúd atá ag teagasc páistí a bhfuil deacrachtaí foghlama measartha acu, nó deacrachtaí foghlama níos troime ná sin, d'fhéadfadh na cosáin do Riachtanais Speisialta Oideachais (RSO) cabhrú leo freisin.

# Curaclam Teanga na Bunscoile: Dréachtchreat le haghaidh planáil fhadtréimhseach don Ghaeilge, Céim 2 i scoileanna Gaeltachta agus lán-Ghaeilge

Ciorclaigh gach mórchéim dul chun cinn a thugann léargas ginearálta ar an áit a bhfuil páistí nó grúpaí faoi láthair ina gcuid foghlama ag tús na tréimhse a chlúdaítear sa phlean fadtréimhseach seo. Féadann tú a oiread grúpaí agus is maith leat a shainathint agus a chiorclú. I gcás páistí a bhfuil RSO acu b'fhéidir go mbeadh sé ina chuidiú agat na **cosáin RSO** a úsáid freisin chun an dul chun cinn atá déanta acu a aithint.

Ar an dara sraith ciorclaigh an áit ba mhaith leat a bheith sroichte ag grúpaí páistí faoi dheireadh na tréimhse a chlúdaítear sa phlean fadtréimhseach.

B'fhéidir go mbeadh sé ina chuidiú agat na mórchéimeanna dul chun cinn a léamh ar líne agus breathnú ar na **samplaí foghlama** a bhaineann leo le tuairim níos fearr a fháil ar an áit a bhfuil na páistí ina gcuid foghlama. I gcás RSO b'fhéidir go mbeadh sé ina chuidiú agat an tÁbhar Tacaíochta do na **cosáin RSO** a léamh agus breathnú ar na samplaí foghlama a bhaineann leo.

**Tacú leis an bhFoghlaim:** Sa roinn Tacú leis an bhFoghlaim, sainathin an topaic/téama, an t-ábhar foghlama, na modheolaíochtaí, na cleachtais mheasúnaithe, na hacmhainní, agus na naisc agus an comhtháthú atá sé i gceist agat a úsáid.

**Topaic/Téama:** B'fhéidir gur mhaith leat tagairt do thopaic nó téama atá sé i gceist agat a úsáid leis na páistí.

**Ábhar Foghlama:** I dtéarmaí ginearálta sainathin an rud atá tú ag brath a theagasc. Ar mhaithe le soiléire, is féidir an t-ábhar a chur i láthair as féin faoi na trí shnáithe.

**Modheolaíochtaí/Measúnú/Acmhainní/Naisc agus Comhtháthú:** Chun tacú leis na naisc nádúrtha idir na trí

shnáithe, is féidir modheolaíochtaí, measúnú, acmhainní, naisc agus comhtháthú a phleanáil sna trí shnáithe uile. B'fhéidir go mbeadh sé ina chuidiú agat tagairt a dhéanamh do **mhodheolaíochtaí** agus **modhanna measúnaithe** éagsúla. Ba chóir planáil a dhéanamh don difreáil agus tagairt di i rith an ama.

**Eile:** Úsáid an roinn seo ar an dóigh is fearr a oireann do do chomhthéacs féin. B'fhéidir gur mhaith leat tagairt do réimsí eile a gcaithfear planáil dóibh nó smaoineamh orthu amhail obair bhaile, tacaíocht sa bhaile, tacaíocht ón scoil uile agus seirbhísí seachtracha.

Nuair atá an roinn *Tacú leis an bhFoghlaim* á comhlánú agat, b'fhéidir gur mhaith leat cuairt a thabhairt ar [www.curriculumonline.ie](http://www.curriculumonline.ie) chun teacht ar **Ábhar Tacaíochta** an Churaclaim Teanga.



## Dréacht-Chreat le haghaidh Pleanáil Fhadtréimhseach: Céim 2

Dáta:	Rang (anna):	Tréimhse:
-------	--------------	-----------

## Foghlaim Thuartha















**Torthaí Foghlama:** *athraigh de réir mar a fheileann do do stíl féin, don chomhthéacs agus do thréimhse an phlean*

Gné	Teanga ó Bhéal	Léitheoireacht	Scribhneoireacht
Cumarsáid	<p><b>1. Rannpháirtíocht, éisteacht agus aird</b>  <b>Céim 1 agus 2:</b> Spéis agus comhaird a léiriú, straitéisí tuisceana a úsáid agus stór focal a shealbhu trí éisteacht ghníomhach a dhéanamh le Gaeilge shaibhir á labhairt i réimse comhthéacsanna agus i nguthanna/canúintí eile chomh maith le guth/canúint an mhúinteora ar mhaithe le spraoi agus cúiseanna faoi leith, cé nach gá go dtuigfeadh sé/sí gach focal. <a href="#">LO1</a></p> <p><b>2. agus 3. Gnásanna sóisialta agus feasacht ar dhaoine eile</b>  <b>Céim 2:</b> Leas a bhaint as noirm shóisialta chuí chun comhráite ar thopaicí pearsanta agus ar thopaicí curaclaim a thosú, a bheith páirteach iontu agus iad a choimeád ar siúl agus tuin oiriúnach chainte agus scileanna cuí léirithe a úsáid a oirfidh don lucht éisteachta <a href="#">LO2</a></p> <p><b>Céim 1 agus 2:</b> Gaeilge a úsáid go muiníneach chun oibriú i bpáirt le daoine eile agus torthaí na hoibre a roinnt le lucht éisteachta a aithníonn siad agus nach n-aithníonn siad <a href="#">LO3</a></p>	<p><b>1. Rannpháirtíocht</b>  <b>Céim 1 agus 2:</b> Páirt a ghlacadh i léitheoireacht agus sult a bhaint as bheith ag éisteacht léi, agus labhairt faoi bhrí agus faoi léirmhíniú focal scríofa agus léaráidí le daoine eile. <a href="#">LO1</a></p> <p><b>2. Inspreagadh agus rogha</b>  <b>Céim 2:</b> Téacs i réimse seánraí a roghnú, a léamh agus cumarsáid a dhéanamh ina thaobh, ar mhaithe le pléisiúr agus le spéis <a href="#">LO2</a></p>	<p><b>1. Rannpháirtíocht</b>  <b>Céim 2:</b> Páirt a ghlacadh i scríbhneoireacht, agus taitneamh a bhaint aisti, chun cumarsáid a dhéanamh le daoine eile <a href="#">LO1</a></p> <p><b>2. Inspreagadh agus rogha</b>  <b>Céim 1 agus 2:</b> Uirlisí cuí, topaic agus ábhar a roghnú don scríbhneoireacht pháirteach nó neamhspleách agus téacsanna a roghnú chun roinnt le daoine eile <a href="#">LO2</a></p>

'téacs' gach toradh ar úsáid teanga: ó bhéal, géaltsíocht, comharthaí, scríofa, Braille, físiúil, tadhlaigh, leictreonach agus digiteach.

Gné	Teanga ó Bhéal	Léitheoireacht	Scribhneoireacht
Tuiscint	<p><b>4. Struchtúr abairte agus gramadach</b>  <b>Céim 2:</b> Úsáid a bhaint as abairtí comhleanúnacha a bhíonn ag éirí níos deacra de réir a chéile le hord ceart na bhfocal agus struchtúr ceart na habairte agus úsáid a bhaint as nascaigh, as comhabairtí agus as abairtí casta chun sainmhíniú cuí a thabhairt <a href="#">LO4</a></p> <p><b>5. agus 6. Stór focal a shealbhú agus a úsáid</b>  <b>Céim 1 agus 2:</b> Úsáid a bhaint as straitéisí éagsúla ar nós gheáitsí an chainteora, tuin chainte, focail atá ar eolas cheana, pictiúir, struchtúr na habairte, sainmhíniú agus cur síos chun tuiscint ar fhocail nua a léiriú agus iad a úsáid <a href="#">LO5</a></p> <p><b>Céim 1 agus 2:</b> Úsáid a bhaint as foclóir agus frásaí ó bhéal a bhíonn ag éirí níos sofaisticiúla de réir a chéile, ina measc teanga a bhaineann le téacs agus le topaic agus teanga a bhaineann go sonrath le hábhar ar leith, agus teanga gan chomhthéacs a chur in iúl. Réimse leathan beannachtaí, nathanna cainte agus frásaí coitianta a úsáid is tuin agus foghraíocht chuí a úsáid agus iad a úsáid sa chomhthéacs cuí. <a href="#">LO5</a></p> <p><b>7. Léiriú tuisceana</b>  <b>Céim 1 agus 2:</b> Tuiscint a léiriú trí threoracha a thabhairt agus a leanúint agus insintí, míniúcháin agus cur síos a thuiscint, agus cás a dhéanamh go soiléir, lena n-áirítear tuairimíocht a dhéanamh, hipitéis a thabhairt, údar a thabhairt, idirbheartaíocht a dhéanamh, argóint a dhéanamh agus gearán a dhéanamh. <a href="#">LO7</a></p>	<p><b>3. Gnásanna cló</b>  <b>Céim 2:</b> Gnásanna bunúsacha an chló a aithint agus a úsáid. <a href="#">LO3</a></p> <p><b>4. Feasacht fhóineolaíoch agus fhóinéimeach</b>  <b>Céim 1 agus 2:</b> Súgradh le fuaimeanna agus iad a aithint, e.g., siollaí, rím, túsfhoghar agus foghar deiridh agus fóinéimí i bhfocail labhartha. <a href="#">LO4</a></p> <p><b>5. Fónaic agus aithint focal</b>  <b>Céim 2:</b> Feasacht fóineolaíochta agus réimse de straitéisí aitheanta focal a úsáid go saoraideach agus go muiníneach agus iad ag léamh téacsanna teagaisc agus ag leibhéal neamhspleách agus tuiscint a léiriú ar an difríocht idir fuaimniú na bhfocal sa chaint agus a leagan scríofa agus an tuiscint sin a chur i bhfeidhm ina gcuid léitheoireachta agus foghraíocht cheart na Gaeilge a úsáid. <a href="#">LO5</a></p> <p><b>6. Foclóir léitheoireachta</b>  <b>Céim 2:</b> Réimse de straitéisí stór focal a úsáid chomh maith le heolas ar chomhchiallaigh, frithchiallaigh agus comhainmneacha, táthmhíreanna agus fréamhfocail chun brí focal agus frásaí neamhaithnide a shoiléiriú agus a phlé de réir mar a thagann siad aníos. <a href="#">LO6</a></p>	<p><b>3. Gnásanna cló agus struchtúr abairte</b>  <b>Céim 2:</b> Úsáid a bhaint as gnásanna an chló, struchtúr abairte níos casta, aimsirí cearta na mbriathra agus nascaigh ina gcuid scríbhneoireachta <a href="#">LO3</a></p> <p><b>4. Litriú</b>  <b>Céim 2:</b> Réimse focal ardmhínicíochta a litriú go cruinn agus straitéisí litrithe a úsáid chun focail neamhaitheanta a litriú, athruithe gramadaí agus iad a úsáid mar is cuí agus tuiscint a léiriú ar na difríochtaí idir an teanga ó bhéal agus an leagan scríofa den teanga <a href="#">LO4</a></p> <p><b>5. Stór focal</b>  <b>Céim 2:</b> Úsáid a bhaint as stór focal níos casta óna lán foinsí agus na toisí aeistéitiúla, cruthaitheacha agus samhlaíochta atá ag teanga a fhiosrú ina gcuid scríbhneoireachta <a href="#">LO5</a></p>

‘téacs’ gach toradh ar úsáid teanga: ó bhéal, geáitsíocht, comharthaí, scríofa, Braille, físiúil, tadhlach, leictreonach agus digiteach.

Gné	Teanga ó Bhéal	Léitheoireacht	Scribhneoireacht
Fiosrú agus úsáid	<p><b>8. agus 9. Iarratais agus ceisteanna</b>  <b>Céim 1 agus 2:</b> Riachtanais agus roghanna pearsanta a chur in iúl agus iarratais a dhéanamh ar bhealach muiníneach  LO8</p> <p><b>Céim 2:</b> Ceisteanna a chur agus freagraí a thabhairt i nGaeilge agus i mBéarla de réir mar is gá, chun cabhair a lorg, teacht ar eolas agus ar thuiscint agus chun smaointeoireacht a shoiléiriú agus a leathnú  LO9</p> <p><b>10. Catagóiriú</b>  <b>Céim 1 agus 2:</b> Réimse daoine, rudaí, imeachtaí agus eispéireas a ainmniú, iad a chatagóiriú agus eolas níos doimhne ar an ábhar agus níos mó tuisceana ina leith a léiriú, le tacaíocht de réir mar is gá  LO10</p> <p><b>11. Athinsint agus mionléiriú</b>  <b>Céim 1 agus 2:</b> Scéalta agus insintí pearsanta a bhíonn ag dul chun castachta a insint agus a athinsint san ord ceart do lucht éisteachta a aithníonn siad agus nach n-aithníonn siad agus iad ag úsáid aimsirí agus stór focal ó bhéal cuí  LO11</p> <p><b>12. Teanga a úsáid go spraiúil agus go cruthaitheach</b>  <b>Céim 1 agus 2:</b> Éisteacht le gnéithe aeistéitiúla, samhlaíocha agus cruthaitheacha na teanga agus freagairt dóibh, agus teanga a úsáid ar bhealach spraiúil, cruthaitheach  LO12</p> <p><b>13. Eolas, míniú agus údar a thabhairt</b>  <b>Céim 1 agus 2:</b> Pointí eolais a sholáthar agus a mhíniú, agus údar a thabhairt leo do lucht éisteachta a aithníonn siad agus nach n-aithníonn siad, ag úsáid teanga shainiúil an ábhair, le tacaíocht de réir mar is gá.  LO13</p> <p><b>14. Cur síos, tuar agus machnamh</b>  <b>Céim 1 agus 2:</b> Cur síos a dhéanamh ar ghníomhartha, ar imeachtaí agus ar phróisis a bhaineann le fíor-chomhthéacsanna agus le comhthéacsanna samhlaíocha, iad a thuar agus machnamh a dhéanamh orthu  LO14</p>	<p><b>7. Cuspóir, seánra agus guth</b>  <b>Céim 2:</b> Taithí a fháil ar ghnéithe aeistéitiúla, cruthaitheacha agus samhlaíocha téacs agus freagairt dóibh, agus ar réimse níos leithne seánraí, agus tosaíochtaí agus tuairimí a chosaint  LO7</p> <p><b>8. agus 9. Tuiscint</b>  <b>Céim 1 agus 2:</b> Sonraí tábhachtacha i dtéacs a thabhairt chun cuimhne, iad a phlé agus a athinsint san ord ceart agus na príomhphointí eolais i dtéacs a aithint  LO8</p> <p><b>Céim 2:</b> Dul i ngleic le téacs agus brí a bhaint as trí raon straitéisí tuisceana a úsáid le linn obair a dhéanamh go neamhspleách nó i bpáirt.  LO9</p> <p><b>10. Líofacht agus féincheartú:</b>  <b>Céim 1 agus 2:</b> Téacsanna teagaisc agus téacsanna ag leibhéal neamhspleách a léamh i réimse seánraí le líofacht agus le tuiscint, agus féincheartú neamhspleách a dhéanamh  LO10</p>	<p><b>6. Cuspóir, seánra agus guth</b>  <b>Céim 1 agus 2:</b> Pictiúir agus scríbhneoireacht a dhéanamh agus tuiscint acu ar an gcuspóir agus ar an lucht éisteachta arson, le linn dóibh téacsanna a chruthú i réimse seánraí d'fhonn guth ar leith a fhorbairt ina gcuid scríbhneoireachta chun a gcuid tuairimí, eolais agus taithí a chomhroinnt  LO6</p> <p><b>7. An próiseas scríbhneoireachta</b>  <b>Céim 1 agus 2:</b> An próiseas scríbhneoireachta a úsáid chun téacs a scríobh i gcomhpháirt le daoine eile agus / nó go neamhspleách  LO7</p> <p><b>8. Freagairt agus intinn an údair</b>  <b>Céim 2:</b> Cur le míniú a scríbhneoireachta féin ó bhéal agus téacsanna daoine eile a phlé agus iad ag léiriú go bhfuil fás ag teacht ar a dtuiscint ar intinn an údair  LO8</p> <p><b>9. Peannaireacht</b>  <b>Céim 2:</b> Scríobh a dhéanamh ag baint úsáid as scríbhneoireacht reatha</p>

'téacs' gach toradh ar úsáid teanga: ó bhéal, geáitsíocht, comharthaí, scríofa, Braille, físiúil, tadhlach, leictreonach agus digiteach.



# Curaclam Teanga na Bunscoile: Dréachtchreat le haghaidh pleanáil fhadtréimhseach don Ghaeilge, Céim I i scoileanna Béarla

**Mórchéimeanna Dul chun Cinn** Tá an chuid seo roghnach. D'fhéadfadh sé cabhrú leat an áit a bhfuil na páistí ina gcuid foghlama a shainaithint, agus an áit a bhfuil tú ag súil go mbeidh na páistí ag deireadh an phlean fhadtréimhsigh a shainaithint freisin. Dóibh siúd atá ag teagasc páistí a bhfuil deacrachtaí measartha acu, nó deacrachtaí níos doimhne ná sin, d'fhéadfadh an tÁbhar Tacaíochta ar na cosáin do Riachtanais Speisialta Oideachais (RSO) cabhrú leo freisin.

1. Cuir ciorcal timpeall ar na mórchéimeanna dul chun cinn a léiríonn an áit a bhfuil páistí/grúpaí i do sheomra ranga ina gcuid foghlama **faoi láthair**, ag tús na tréimhse atá clúdaithe ag an bplean fadtréimhseach seo. Is féidir leat a oiread grúpaí agus is mian leat a shainaithint agus ciorcal a chur timpeall orthu. I gcás páistí a bhfuil RSO acu, b'fhéidir go gcabhróidh sé leat leas a bhaint as na cosáin RSO freisin chun a gcuid dul chun cinn a aithint.

2. Cuir ciorcal timpeall ar an áit a bhfuil sé i gceist agat **go mbeidh páistí ann** faoi dheireadh na tréimhse atá clúdaithe ag an bplean fadtréimhseach seo.

Tacaíonn an tábla leis an bpleanáil do ghrúpaí foghlama taobh istigh de rang nó do thrí rang ilghrád in aon seomra ranga amháin. Cuir in oiriúint do do chomhthéacs féin é, le do thoil.

Rang(anna)/grúpaí	Mórchéimeanna Dul chun Cinn: Teanga ó Bhéal								
	Go barúlach, an áit a bhfuil na páistí/grúpaí ina gcuid foghlama agus an áit ba chóir a bheith sroichte acu faoi dheireadh na tréimhse sa phlean seo								
<a href="#">Mórchéimeanna ag tús na tréimhse</a>	a luath	a	b	c	d	e	f	g	h
<a href="#">Mórchéimeanna ag deireadh na tréimhse</a>	a luath	a	b	c	d	e	f	g	h

<b>Cosáin RSO</b>	Blaiseadh de	Aird a thabhairt air	Freagairt dó	Tús a chur leis	Sealbhú	Ag éirí líofa	Ginearálú
-------------------	--------------	----------------------	--------------	-----------------	---------	---------------	-----------

Rang(anna)/grúpaí	Mórchéimeanna Dul chun Cinn: Léitheoireacht								
	Go barúlach, an áit a bhfuil na páistí/grúpaí ina gcuid foghlama agus an áit ba chóir a bheith sroichte acu faoi dheireadh na tréimhse sa phlean seo								
<a href="#">Mórchéimeanna ag tús na tréimhse</a>	a luath	a	b	c	d	e	f	g	h
<a href="#">Mórchéimeanna ag deireadh na tréimhse</a>	a luath	a	b	c	d	e	f	g	h

<b>Cosáin RSO</b>	Blaiseadh de	Aird a thabhairt air	Freagairt dó	Tús a chur leis	Sealbhú	Ag éirí líofa	Ginearálú
-------------------	--------------	----------------------	--------------	-----------------	---------	---------------	-----------

Rang(anna)/grúpaí	Mórchéimeanna Dul chun Cinn: Scríbhneoireacht								
	Go barúlach, an áit a bhfuil na páistí/grúpaí ina gcuid foghlama agus an áit ba chóir a bheith sroichte acu faoi dheireadh na tréimhse sa phlean seo								
<a href="#">Mórchéimeanna ag tús na tréimhse</a>	a luath	a	b	c	d	e	f	g	h
<a href="#">Mórchéimeanna ag deireadh na tréimhse</a>	a luath	a	b	c	d	e	f	g	h

<b>Cosáin RSO</b>	Blaiseadh de	Aird a thabhairt air	Freagairt dó	Tús a chur leis	Sealbhú	Ag éirí líofa	Ginearálú
-------------------	--------------	----------------------	--------------	-----------------	---------	---------------	-----------

# Curaclam Teanga na Bunscoile: Dréachtchreat le haghaidh planáil fhadtréimhseach don Ghaeilge, Céim 2 i scoileanna Gaeltachta agus lán-Ghaeilge

Tacú leis an bhFoghlaim						
Eispéiris Foghlama: <i>Tabhair breac-chuntas ginearálta ar a mbeidh á mhúineadh agus ar an gcaoi a múinfear é. Déan tagairt don difreáil i ngach cuid den chuntas.</i>						
Snáithe	Topaic/Téama	A mbeidh á mhúineadh	Modheolaíochtaí	Measúnú	Acmhainní	Naisc agus comhtháthú
Teanga ó Bhéal						
Léitheoireacht						
Scribhneoireacht						

**Eile:** Is féidir leat, más mian leat, tagairt a dhéanamh do réimsí eile a dteastódh planáil lena n-aghaidh ar nós obair bhaile, rannpháirtíocht tuismitheoirí, tacaíocht ón scoil uile, seirbhísí seachtracha.